

畿輔通志卷二百九十

雜傳四

唐

唐

順天府

盧藏用

盧憇

盧徵

高霞寓

盧光啓

王士真

張直方

張公素

祖孝孫

義淨

無可

師夜光

保定府

張行成

許敬宗

張易之

弟昌宗

承德府

張茂宗

弟茂和

河間府

高儉

李綱

封倫

張士衡

邢和璞

俞靈璣

褚老生

天津府

鄭愔

高瓌

何滿

正定府

崔瑀

蘇味道

閻朝隱

劉栖楚

慧淨

張果

昆盧遮那

順德府

宋渾

弟恕
衡 尙

魏少游

孟方立

從弟遷

廣平府

崔昭緯

大名府

司馬才章

張公謹

杜正倫

從子求仁

李勤

杜兼

韓允忠

子簡

樂彥禎

羅宏信

僧一行

道因

宣化府

李球

瑕邱仲

曹眞

酈希誠

趙州

從諗

李惠寬

冀州

孔穎達

蘇定方

李桐客

王宏義

大耳禪師

深州

李百藥

劉仁恭

李義府

崔器

崔損

張又新

定州

崔湜

劉商

唐

順天府

盧藏用字子潛幽州涿人承慶從孫父璲爲魏州司馬

新書作魏

州長史

號才吏藏用能屬文舉進士不調著芳草賦以見意

舊唐

書與兄徵明偕隱終南少室二山學練氣辟穀長安中召授

左拾遺武后作興泰宮於萬安山上疏諫曰陛下離宮別觀

固多矣又窮人力以事土木臣恐議者以陛下爲不愛人而

奉已也頃歲穀且頗登而百姓未有儲陛下巡幸迄靡休息

斤斧之役歲月不空不因此時施德布化而又廣宮苑臣恐

下未易堪今左右近臣以諛意爲忠犯忤爲患至今陛下不

知百姓失業百姓亦不知左右傷陛下之仁也陛下誠能發

明制以勞人爲辭則天下必以爲愛力而苦已也不從姚元

崇持節靈武道奏爲管記還應縣令舉甲科爲濟陽令神龍

中累擢中書舍人數糾駁僞官厯吏部黃門兩侍郎修文館

學士坐親累降工部侍郎進尙書右丞

新唐書

先天中坐附太

平公主配流嶺表

舊唐書

會交趾叛有捍禦勞改昭州司戶參

軍遷黔州長史判都督事卒於始興

新唐書

年五十餘有集二

十卷

舊唐書

藏用善著龜九宮術工草隸大小篆八分書琴弈

士貴其多能嘗以俗徇陰陽拘畏乖至理乃爲析滯論以暢其旨謂天道從人者也刑獄不濫則人壽賦歛省則人富法令有常則邦甯賞罰中則兵強禮者士所歸賞者士所死禮賞不倦則士爭先否者雖揆時行罰涓日出號無成功矣世謂知言少與陳子昂趙貞固友善子昂貞固前死藏用撫其孤有恩人稱能終始交始隱山中時有意當世人目爲隨駕隱士晚乃徇權利務爲驕縱素節盡失司馬承禎將還山藏用指終南曰此中大有佳處承禎徐曰以僕視之仕宦之捷徑耳藏用大慚

新唐書

盧慈幽州范陽人工部侍郎義恭之元孫父子騫頴王府諮

議參軍甚少以門蔭入仕以幹局稱累授閬州錄事參軍監

察殿中御史侍御史金州刺史宰相楊炎遇之厚召入左司

郎中京兆少尹遷大尹甚無學術善事權要為政苛躁盧杞

諷有司彈奏貶撫州司馬同正改饒州刺史遷福州刺史福

建觀察使貞元二年卒

舊唐書

盧徵幽州人

新唐書

謹案舊書徵范陽人家於鄭之中牟

少涉書記永泰中江淮

轉運使劉晏辟為從事累授為殿中侍御史晏得罪貶珍州

司戶

舊唐書

元琇判度支薦為員外郎琇得罪貶秀州長史

舊唐書

書作信

三遷給事中戶部侍郎竇參善之方倚以代已會同

州刺史缺參請用尚書左丞趙憬德宗惡參欲間其腹心更

用徵為之久乃徙華州厚結權近冀進用同華地迫而貧所

獻嘗黻陋至徵厚賦歛有所奉入輒如常數人不堪其求

新唐書

書 貞元十六年卒年六十四

舊唐書

高霞寓幽州范陽人祖仙父栖鶴皆以孝聞凡五代同居德宗詔表其門霞寓能讀春秋及兵法頗以節概自尙狡謫多變貞元中往見長武城使高崇文崇文異其才檄任軍職元和初詔授御史大夫從擊劉闢戰輒克下鹿頭城降李文悅仇良輔等追戰七盤城有功禽闢于羊灌擢拜彭州刺史俄代崇文爲長武城使封感義郡王五年

舊唐書

以左威衛將軍

隨吐突承璀討王承宗諸將多覆軍獨霞寓有功詔藏所獲鎧仗于神策庫旌之承璀已執盧從史其軍相驚遣霞寓諭之麾而大呼曰元惡縛矣公等宜自安卽脫鎧揖而前眾遂定欲留爲帥霞寓間道去拜豐州刺史三城都團練防禦使

新唐書

元和十年之討吳元濟也析山南東道爲兩鎮以霞寓

宿將拜唐鄧隋節度使

舊唐書

遏賊南衝霞寓雖悍而寡謀統

制尤非所善始引兵趨蕭陂戰小勝進至文城柵爲伏所掩

遂大敗僅以身免詔貶歸州刺史厚賂權宦召爲右衛大將

軍十三年出爲振武節度使浚金河旣鹵地數千頃改左武

衛大將軍節度

新舊書

長慶元年授邠甯節度使三年就加檢

校右僕射四年加檢校司徒寶曆二年疽發於首不能理事

求歸闕下乃授右金吾衛大將軍檢校司徒至奉天卒年五

十五贈太保

舊唐書

霞寓位既高言多不遜帝始罷其兵益自

憂乃上私第爲佛祠請署曰懷恩以塞帝疑常詎悔僚屬作

慢語斥訕大臣其反覆自任類此

新唐書

盧光啓字子忠范陽人

謹案本傳言不詳何所人考宰相世系表盧氏宰相八人未言范陽有盧

光啓是光啓爲范陽人矣謹據增

第進士爲張濬所厚累擢兵部侍郎昭宗

幸鳳翔宰相皆不從以光啓權總中書事兼判三司進左諫議大夫參知機務復拜兵部侍郎同中書門下平章事俄罷爲太子少保改吏部侍郎初光啓執政韋貽範蘇檢相繼爲宰相帝還京師賜死

新唐書

王士眞薊人節度使武俊之子少佐父立功更患難旣得節度息兵善守雖擅置吏私賦入而歲貢數十萬緡比燕魏爲恭元和初卽拜同中書門下平章事四年死贈司徒諡白景

襄

新唐書

子承宗承元承通承迪承榮承元另有傳

舊唐書

張直方范陽人仲武子以右金吾將軍襲節度留後俄進副大使舉動多不法畏下變起託出畋奔京師宣宗遣使者郊勞授金吾大將軍以其族大給檢校工部尙書俸進檢校尙書右僕射性暴率坐以小罪苔殺金吾吏改右羽林統軍好

馳獵往往設置罟於道當宿衛不時入下遷驍衛將軍奴婢
細故輒殺積罪貶思州司戶參軍人乃復授羽林統軍縱部
下爲盜復貶康州司馬後居東都弋獵愈甚乾符中累進左
驍衛大將軍時鄭畋輔政頗言仲武會昌時功第一今直方
百口不自存每內燕以衣敝惡辭不赴陛下錄功念舊宜少
優假詔還檢校右僕射進左金吾衛大將軍黃巢犯京師直
方迎灞上旣而納亡命謀劫巢報天子公卿多依之賊覺屠
其族

新唐書

張公素范陽人以列將事允伸擢累平州刺史允伸卒以兵
來會喪軍士素附其威望允伸子簡會知不可制卽出奔詔
公素爲節度使進同中書門下平章事性暴厲眸子多白燕
人號白眼相公爲李茂勳所襲奔京師貶復州司戶參軍

新唐書

書

祖孝孫幽州范陽人父崇儒以學業知名仕至齊州長史孝孫博學曉厯算隋平江左得陳樂官蔡子元于普明等置清商署時牛宏爲太常卿引孝孫爲協律郎與子元普明參定雅樂陳陽山太守毛爽妙知京房律法布琯飛灰順月皆驗宏奏孝孫從其受律孝孫得爽之法一律而生五音十二律而爲六十音因而六之故有三百六十音以當一歲之日又祖述洗重依淮南本數用京房舊術求之得三百六十律各因其月律而爲一部以律數爲母以一中氣所有日爲子以母命子隨所多少分直一歲以配七音起於冬至以黃鐘爲宮太簇爲商林鐘爲徵南宮爲羽姑洗爲角應鐘爲變宮蕤賓爲變徵其餘日建律皆依運行每日各以本律爲宮旋宮

之義由斯著矣然牛宏既初定樂難復改張大業時又採舊
宋舊樂惟奏皇夏等十有四曲旋宮之法亦不施用唐高祖
受禪擢孝孫爲著作郎歷吏部郎太常少卿漸見親委由是
奏請作樂時軍國多務未遑改創樂府尙用隋氏舊文武德
七年始命孝孫及祕書監竇璡修定雅樂孝孫又以陳梁舊
樂雜用吳楚之音周齊舊樂多涉胡戎之伎於是斟酌南北
考以古音作大唐雅樂以十二月各順其律旋相爲宮制十
二樂合三十二曲八十四調旋宮之義亡絕已久世莫能知
一朝復古自孝孫始也

舊唐書

義淨

一作淨義

字文明范陽人俗姓張氏咸亨初往西域徧歷三

十餘國經二十五年求得梵本四百部歸譯之

全唐詩小傳

無可范陽人姓賈氏島從弟居天仙寺詩名亦與島齊集一

卷

全唐詩小傳

謹案唐才子傳無可長安人工詩多爲五

言與賈島同居青龍寺呼島爲從兄與馬戴姚合厲元多

有酬唱律調謹嚴屬興清

越比物以意謂之象外句

師夜光薊州人少爲浮屠至長安善視鬼因九仙公主得召

見溫泉帝奇其辯賜冠帶授四門博士賜緋衣銀魚金縉千

數得侍左右如幸臣

新唐書

保定府

張行成字德立定州義豐人少師事劉炫炫謂門人曰行成

體局方正廊廟才也隋大業末察孝廉爲謁者臺散從員外

郎後爲王世充度支尙書世充平以隋資補穀熟尉家貧代

計吏集京師擢制舉乙科調富平主簿有能名召補殿中侍

御史糾劾嚴正太宗以爲能謂房元齡曰古今用人未嘗不

因介紹若行成者朕自舉無先容也嘗侍宴帝語山東及關

中人意有同異行成曰天子四海爲家不容以東西爲限是示人以隘矣帝稱善賜名馬一錢十萬衣一稱自是有大政事令與議焉累遷給事中帝嘗謂羣臣朕爲人主兼行將相事豈不是奪公等名行成退上疏以左右文武誠無將相材奚用大庭廣衆與之量校損萬乘之尊與臣下爭功哉帝嘉納之轉刑部侍郎太子少詹事太子駐定州監國謂曰吾乃送公衣錦過鄉邪令有司祠其先墓行成薦其里人魏唐卿崔寶權馬龍駒張君劼皆以學行聞太子召見以其老不可任事厚賜遣之太子使行成詣行在帝見悅甚賜勞尤渥還爲河南巡察大使稱旨檢校尙書左丞是歲帝幸靈州詔皇太子從行成諫曰皇太子宜留監國對百寮日決庶務旣爲京師重且示四方盛德帝以爲忠遷侍中兼刑部尙書高宗

卽位封北平縣公監修國史時晉州地震不息帝問之對曰
天陽也君象地陰也臣象君宜動臣宜靜今靜者顧動恐女
謁用事大臣陰謀又諸王公主參承起居或伺閒隙宜明設
防閑且晉陛下本封應不虛發伏願深思以杜未萌帝然之
詔五品以上極言得失俄拜尙書左僕射太子少傅永徽四
年自三月不雨至五月行成懼以老乞身制答曰古者策免
乖罪己之義此在朕寡德非宰相咎行成固請帝涕留之不
得已復視事未幾卒於尙書省舍年六十七詔九品以上就
第哭比斂三遣使賜內衣服尙宮宿其家護視贈開府儀同
三司并州都督諡曰定宏道元年詔配享高宗廟廷

新唐書子

洛客嗣官至雍州渭南令

舊唐書

許敬宗字延族高陽北新城人

據綱目質實改說見許遠傳

父善心仕隋

爲給事中敬宗幼善屬文大業中舉秀才中第調淮陽書佐
俄直謁者臺奏通事舍人事善心爲宇文化及所殺敬宗哀
請得不死去依李密爲記室武德初補漣州別駕太宗聞其
名召署文學館學士貞觀中除著作郎兼修國史喜謂所親
曰仕宦不爲著作無以成門戶累轉給事中復修史以勞封
高陽縣男檢校黃門侍郎高宗在東宮遷太子右庶子高麗
之役太子監國定州敬宗與高士廉典機務岑文本卒帝驛
召敬宗以本官檢校中書侍郎駐蹕山破賊命草詔馬前帝
愛其藻警使專掌詔令初太子承乾廢官屬張元素令狐德
棻趙宏智裴宣機蕭鈞皆除名爲民不復用敬宗爲言帝悟
多所甄復高宗卽位遷禮部尙書敬宗養沓遂以女嫁蠻酋
馮盎子多私所聘有司劾舉下除鄭州刺史俄復官爲宏文